

客語戲劇劇本—石頭阿姆

第一幕

人：阿姆（35歲）、嬰兒仔（假人公仔）、阿明（9歲）

事：阿姆同嬰兒仔洗身

地：浴堂

物：腳盆、沐浴用品、嬰兒仔衫褲

（嬰兒仔緊噉）

阿姆：喔，惜--惜--，吾个寶貝仔，乖乖，莫噉哩，莫噉哩！

唉，越講你就越噉！

（拿一粒石頭，放落去）

阿姆：這粒石頭分你做膽，「膽膽大，做婆太！膽膽大，做婆太！

（嬰兒仔停止噉）

阿姆：實在還靈喔，石頭一放落去，斷真就無再噉仔。

（阿明適外背背等書包仔行入來）

阿明：阿姆，涯轉來哩，該下涯在外背，仰聽著老弟緊噉呢？

阿姆：唉唷，可能係昨晡日有經過孝家，怕有分垃圾拔著敢怕！

阿明：恁樣喔，該愛仰葛煞呢？

阿姆：故所，涯就放一粒去石哀該位求來个細石頭落去，分佢做膽，看會較好渡無？

阿明：阿姆，阿姆，你係講大樹下个石哀喔？

阿姆：係呀，你還細个時節，乜當會寒著，半夜仔緊噉，也毋係已好渡，故所，涯

摻若爸就去求石哀个綦分你戴，分你做石哀个契子。

阿明：莫怪，這下涯當少發病仔，逐擺考試也都考第一名。

阿姆：恩，係唷吼，下禮拜係八月半，也係石哀生，恩愛來去同石哀祝壽喔！

阿明：好啊，好啊！

（換幕配樂—森林狂想曲）

第二幕

人：阿寶嫂（45歲）、阿珍妹（18歲）、阿姆（35歲）、阿明（9歲）、阿榮伯（70歲）

事：去拜石哀，同石哀做生日。

地：石哀前

物：石哀、拜籃、祭品、聖筊、綫

阿姆：阿寶嫂，恁久無看著！

阿寶嫂：係啊，恁久去台北吾俾仔該位祭啦！這兩日仔正轉來過八月半，來拜石哀，還有摺吾俾仔換綫。

（阿珍妹行過來）

阿珍妹：阿伯姆，你兜好，恁煞猛！

阿寶嫂：你係阿珍妹，毋係嘿？

阿珍妹：係啊，伯姆，若記才還好喔！

阿寶嫂：頭擺，你還細個時節，三不二時就發病仔，若爸若姆當愁，驚畜毋生，就來求石哀，分你帶綫，無想著這下你恁大仔唷。

阿姆：這下在哪讀？

阿珍妹：在台灣大學啦！

阿姆：實在還慶喔！

阿寶嫂：呵呵，愛感謝石哀！

阿姆：阿明，愛煞猛兜仔，像阿姊恁慶，知無？

阿明：恩，涯知。

（阿榮伯行入來）

阿寶嫂：阿榮哥，仰額結結仔呢？

阿榮伯：就乜吾大俾仔個滿女仔，這駁仔，逐暗晡就咿咿啊啊，食麼個翻麼個，唉！毋知愛仰葛煞正好，就想講遽遽來求石哀保庇。

阿姆：無毋著，恩這石哀當靈喔，當多地方求毋著個，來這位，一擺就好勢好勢。

阿寶嫂：來來來，大家摺東西擺擺好來。

（眾人跪下去拜石哀，嘴項唸唸有詞。）

（阿姆、阿寶嫂、阿榮伯跌筊仔）

眾人：感謝石哀保庇。

（退場，換幕，配樂）

第三幕

人：阿姆、阿明、阿志、阿強

事：出去遶祭。

地：山林

阿明：阿姆，涯愛同阿志、阿強共下去後山行行啊喔！

阿姆：好啊，愛帶水去，莫熱著哩唷。還過愛注意安全喔！

阿明：知啦！

（阿明、阿志、阿強緊行緊講笑）

阿志：你兜看，該係麼个，緊在該趁？

阿強：啊～蛇哥，蛇哥，阿姆哀啊！遽遽走，遽遽走！

（蛇哥逐佢三儕）

阿明：救命喔！救命喔！

阿志：這下哪有棍仔呢？

阿強：唉唷，無命仔啦！

（一粒大石頭碾下來，斫死蛇）

阿志：你兜看，蛇哥分石頭斫死仔！

阿強：唉唷，嚇死涯了

阿明：石哀！石哀！一定係石哀顯靈來保庇！

（三儕人跪下來）

三人合：感謝石哀保庇！感謝石哀保庇！

～劇終～

全體演員謝幕！